

3/98 IRIZPENA**EUSKAL HERRIKO AUTONOMIA ERKIDEGOKO GIZARTE-EKONOMIAKO ENPRESETAN
LAGUNTZA TEKNIKOA EMATEKO DIRULAGUNTZAK ARAUTZEN DITUEN DEKRETUARI
BURUZKO IRIZPENA**

Ekainaren 27ko 9/1997 Legeak Euskadiko Ekonomia eta Gizarte Arazoetarako Batzordeari eratzikitako eskumenekin eta haren Funtzionamendu Araudian ezarritako prozedurarekin bat etorririk, eta Osoko Bilkurak 1998ko uztailaren 1eko akordioaren arabera eskuordetuta, Euskadiko Ekonomia eta Gizarte Arazoetarako Batzordearen Batzorde Iraunkorrak, 1998ko uztailaren 22ko bileran, aho batez honako hau onetsi du:

IRIZPENA**1.- AURREKOAK**

1998ko ekainaren 29an sartu zen Euskadiko Ekonomia eta Gizarte Arazoetarako Batzordean Justizi, Ekonomi, Lan eta Gizarte Segurantza Sailaren idazkia. Idazki horren bitartez, sail horrek Euskal Herriko Autonomia Erkidegoko Gizarte-Ekonomiako enpresetan laguntza tekniko emateko dirulaguntzak araupetu dituen Dekretuari buruzko txostena eskatu zuen, Euskadiko Ekonomia eta Gizarte Arazoetarako Batzordearen ekainaren 27ko 9/1997 Legearen 3.1.b) artikuluan ezarritakoarekin bat etorririk.

Dekretu horrek apirilaren 8ko 72/1997 Dekretua du oinarri. Azken dekretu horren bitartez araupetu ziren Euskal Herriko Autonomia Erkidegoko Gizarte Ekonomiako enpresetako laguntza teknikorako laguntzak.

1998ko uztailaren 1ean eman zitzairen Eusko Jaurlaritzatik jasotako dokumentazioaren kopia Kontseiluaren Osoko Bilkurako kideei.

Halaber, 1998ko uztailaren 1ean Kontseiluaren Osoko Bilkurak beharrezko txostena onesteko ahalmena Batzorde Iraunkorrari eskuordetzea erabaki zuen.

1998ko uztailaren 15ean lan-bilerara bildu zen Gizarte Garapenerako Batzordea. Irizpen-proposamena egin zuen. Proposamen hori Batzorde Iraunkorrari bidali zitzaion eta batzorde iraunkor honek, 1998ko uztailaren 22ko bileran, hura aho batez onetsi zuen.

II.- EDUKIA

Euskal Herriko Autonomia Erkidegoko Gizarte-Ekonomiako enpresetan laguntza teknikoa emateko dirulaguntzak arautzen dituen Dekretuaren testuak honakook ditu osagai: zioak erakustea, hamazazpi artikulua, Xedapen Gehigarri Bakarra eta lau Bukaerako Xedapen.

Zioak erakustea:

Hasierako erakusketan aipatuta dagoenez, 1993an abiarazi zen Gizarte Ekonomiako enpresetan urteko Kudeaketa-plana ezartzeko laguntza-programa bat, zertarako-eta enpresek beren enpresa-kudeaketa zuzenerako eta beren lehiakortasun-gaitasuna hobetzeko tresna bat izateko.

Bertan nabarmenduta dagoenez, 1997an programa enpresa kudeatzeko beste eremu batzuetara zabaldu zen.

Halaber, bertan nabarmenduta dagoenez, programa kudeatzeko esperientziatik, hura bultzatu zuten zergatien indarraldia eta planteamenduen baliozkotasuna ondoriozta daitezke.

Beste alde batetik, bertan adierazita dago nola ezarri duen azaroaren 11ko 1/1997 Legegintzazko Dekretuak dirulaguntzak araupetzen dituzten arauak izan behar duten gutxieneko edukia. Hori dela eta, aurkeztutako Dekretuak gauza berri horiek sartu ditu. Aipatutako Legegintzazko Dekretuaren bitartez onetsi ziren Euskal Herriko Ogasun Orokorraren Abiaburu Antolatzaileak.

Artikulu eta xedapenak:

1. artikulua Dekretuaren helburua zehazturik du. Dekretuaren helburua honako hau da: Eusko Jaurlaritzak Kooperatibak eta Lan-sozietateak kudeatzeko laguntza teknikoko ekintzak burutzeko eman ahalko dituen laguntzak araupetzea.

2. artikulua diruz laguntzeko moduko jardueratzat hartuko diren laguntza teknikoko ekintzak zehazturik ditu.

3. artikulua Dekretuko laguntzak atzitu ahal dituzten erakundeak zehazturik ditu.

4. artikulua 3. artikulura bildutako erakunde onuradunei laguntza eta aholku ematen dieten Erakunde Aholkulariek bete beharko dituzten beharkizunak aipaturik ditu.

5. artikuluan aipatuta daude dirulaguntzen zenbatekoa eta berau zehazteko irizpideak.

6. artikuluan ezarrita dago zergei, gizarte segurantzari eta herri dirulaguntzei lotutako betebeharrak bete beharra.

7. artikulua laguntzen erakunde onuradunek bete behar dituzten betebeharrak zehazturik ditu. Bertan adierazita dagoenaren arabera, egindako lanak azaltzen dituen Memoria aurkeztu behar da beharrezko frogagiriekin batera. Era berean, bertan nabarmenduta dago destinoa eta aplikazioa lotura-bermeen bitartez bermatu beharra, abenduaren 17ko 698/1991 Dekretuan eta Euskal Herriko Ogasun Orokorraren Abiaburu Antolatzaileei buruzko Legearen Testu Bateratuan ezarritakoaren arabera.

8. artikulua Dekretuaren laguntzek erakunde onuradunak jasotzen dituen helburu eta jomuga bereko beste dirulaguntza edo laguntza batzuekin izan dezaketen bateragarritasuna araupeturik du. Gaindikinarene bateraezintasuna nabarmenduta dago bertan. Hala denean, Dekretua aplikatzearen emandako laguntza txikituko da.

9. artikulua ezarrita daude eskabideak aurkezteko era eta epea.

10. artikulua zehaztuta dago Dekretuan ezarritako onuren menpean jarri nahi duten erakundeek aurkeztu behar duten manuzko dokumentazioa.

11. artikulua aipatuta daude eskabideetako akatsak zuzentzeko ezarritako arautegia eta, hala denean, beharrezko espedienteen artxiboa.

12. artikulua zehaztuta dago Dekretura bildutako laguntza-deialdiaren kudeaketa-, ebazpen-, errekurso- eta publizitate-prozedura.

14. artikulua aipatuta daude Dekreturako baliabide ekonomikoak eta berauen muga. Artikulu horrek Euskal Herriko Autonomia Erkidegoko Aurrekontu Orokorretan horretarako ezarritako aurrekontu-partidetara bidaltzen gaitu.

15. artikulua aipatuta dagoenez, dirulaguntzako baldintzak aldatu ahal dira, haren helburua betetzat emanez gero, eta beste Herri Administrazio batek emandako beste dirulaguntza edo laguntza batzuekiko pilaketaren arabera.

16. artikulua aipatuta dago dirulaguntzaren helburua, baldintzak eta jomugaa ez betetzea eta dirulaguntzaren zenbatekoaren itzultze posiblea. Era berean, artikulu horrek kontutan harturik du abenduaren 17ko 698/1991 Dekretuan eta Euskal Herriko Ogasun Orokorren Abiaburu Antolatzaileei buruzko Legearen Testu Bateratuan ezarritakoa.

17. artikulua aplikatu ahal diren arauak bete ezean emandako dirulaguntza itzultzeko prozedura araupeturik du.

Xedapen Gehigarri Bakarrean zehaztuta daude Kooperatibek eta Lan-sozietateek PYMEtzakoak izateko bete behar dituzten beharkizunak.

Lehenengo Bukaerako Xedapenak Dekretuaren kontra aplika daitekeen administrazioarekiko auzibideko errekurso-prozedura ezarriko du.

Bigarren Bukaerako Xedapenak Dekretuan ezarrita ez dauden gauzetan aplikatu ahal den araubide ordeztalea ezarriko du.

Hirugarren Bukaerako Xedapenak Justizi, Ekonomi, Lan eta Gizarte Segurantzaren Saileko buruari ahalmena eman dio Dekretua garatzeko eta betearazteko beharrezkoak diren xedapenak hartzeko.

Laugarren Xedapen Gehigarriak zehazturik duenez, Dekretua berau Euskal Herriko Agintaritzaren Aldizkarian argitaratzen den egunaren biharamunean jarriko da indarrean.

III.- OHARRAK

Euskadiko Ekonomia eta Gizarte Arazoetarako Batzordeak nabarmentzen duenez, Kontseiluari eratzikitako eta 9/1997 Legera behar bezala bildutako eskumenak oinarri harturik, beharrezkoa da Erakusketaren laugarren ahapaldian Euskadiko Ekonomia eta Gizarte Arazoetarako Batzordea Justizi, Ekonomi, Lan eta Gizarte Segurantza Saileko buruak entzundako kontsulta-organo bezala berariaz aipatzea.

IV.- ONDORIOAK

Kontsulta-organoa den Euskadiko Ekonomia eta Gizarte Arazoetarako Batzordeak Euskal Herriko Autonomia Erkidegoko Gizarte-Ekonomiako enpresetan laguntza teknikoa emateko dirulaguntzak arautzen dituen Dekretuaren tramitazioa egokietsi du.

Bilbon, 1998ko uztailaren 22an

OE Burua,

Idazkari nagusia,

Javier Mongelos Oquiñena

Javier Hernandez Bilbao